

牧齋初學集

牧齋初學集卷第十一

桑林詩集

起崇禎十年丁丑三月盡閏四月

丁丑春盡赴急徵稼軒竝列刊章士龍相從
草索渡淮而北赤地千里身雖罪人不忘吁
嗟閔雨之思遂名其詩曰桑林集

過清江浦遙寄故人

跨下橋邊又此行
赭衣白髮可憐生
班荆却喜無人問
刻木祇愁有吏迎
惜別飛花憎岸草
相留語鶯笑林鶯
多情依舊長淮水
流入清江伴
鷗聲

漂母祠和何士龍

韓侯釣水遶城垣青史猶垂進食言人以千金
知老母天將一飯試王孫孤生書劒霑新淚逐
客簪纓感昔恩欲薦渚蘋何限恨寒鴉落日滿
祠門

黃河

都將銀漢變黃流也是天公錯一籌鵲駕但爲
終夕計鼉梁寧是濟川謀災來何用沈圭璧時
至那須辨馬牛飛舄出圖君莫詫清河白馬又
誰尤

俳體戲示士龍

四瀆已將三瀆過三春總是一春忙
黃沙學傅何郎粉赤汗從熏荀令香
釜下馬通和餅熟棧閒驢面比人長
歸來準備江南話煖鋪深釭笑幾場

次韻荅士龍二首

白首孤臣踐駭機天門夢斷翮猶飛
覆蕉鹿訟無榮辱芥羽雞場有是非
扣角車前唯汝共觀魚濠上與心違
閨中春莫應相憶掩淚頻聽緩緩歸

又次

蛇鬪龍爭共發機
刺天毛羽正羣飛
十州鑄鐵人謀錯
萬物爲銅大冶非
作楫胥靡身故在
刺舟漁父意相違
君看河上攤錢叟
不犯風濤不肯歸

清河道中三首

拍岸河流氣不平
單車盡日遶河行
帆檣矗立遙天破
波浪掀翻大地爭
罩眼飛沙人面改
撞胃噩夢旅魂驚
野田蔓草渾無賴
斷送芳菲逐處生

其二

銀鐙驅我太匆匆
襤被囊衣客子同心似行枚
銜舌底身如釋
朱簾車中東還刺促看南斗西
笑惜騰向北風捫腹自嗟還自問不知若箇是
途窮

其三

慘澹郊原似霧凇
洪河嚙岸馬嘶空
粘天黑浪非章相刮地
黃塵是庾公
柳樹病猶晞夏雨
薺花開亦向春風
人間榮落關何事
野店殘陽一閃紅

宿遷

枕畔車輪又一宵
荻簾土銼共蕭條
棧爭惡草驢言怒
炊仗殘通馬意驕
野集煙稀知磬盡
春田兆坼見龜焦
溺人強笑誰相問
莫以愆陽歎聖朝

郊城二首

村店無籌殺五更
棧驢齧啗暗相驚
蓬鬆旅鬣料風色
滴瀝愁腸量雨聲
催舞荒雞啼夜半
識塗老馬盼晨明
雲開日轉非吾事
也要殘春一路晴

其二

挹斗揚箕誤有名捫參歷井信浮生天垣貫索
星文賤人世胥靡性命輕豺虎頻年銜尾過馬
驢終日竝頭行岱宗顧我如衡嶽盼蠻開雲報
午晴

一歎示士龍

一歎依然竟隕霜烏頭馬角事茫茫及門弟子
同關索薄海僧徒共炷香百口累人藏複壁千
金爲客掩壺漿昭陵許哭無多淚唐制有寃者許哭昭陵
要倩馮班慟一場里中小馮生善哭

費縣道中三首

驅車入魯弔遺黎
宗國相傳事可悲
歌鳳有人供放逐
鬪雞無相繫
安危申豐錦
去鄰爭羨陽
虎弓還盜亦嗤
唯有汶陽田下水
至今流恨遶
鳬龜

其二

費縣城邊紫翠重
恰憑登頓看山容
雲舒霧縠浮千嶂
雨濯煙綃出數峯
石瀨咽沙流淺淺
野花眠草吐茸茸
停車佇想東蒙客
欲討尊羹興已慵

其三

闌珊心事怯餘春
殘夢驚迴一欠伸
病樹不禁蛇在腹
野花終倚草爲身
櫪中馬老空知道
爨下車勞枉作薪
當食爲君三歎息
難將更僕話窮塵

泉林

泗水之源出焉
題曰子在川上處

泉林源泗水叢薄閔荒丘
的礫翻空色縈迴
貯湫流道窮悲渫井物化
感藏舟願解塵纓濯悠
然炤白頭

泗水二首

柳市縹煙麥起波江南樂事趁清和當風翠袖
穿花竝映水紅粧向晚多鶯識疏窻溫舊語鶯
憐別院選新歌情知好夢成殘夢也較車聲枕
畔過

其二

柳絮飛灰菜甲塵車中何處見殘春北來有鶯
如胡語南望無鶯比鴈臣度淮以北絕不聞鶯
燕亦似作此音故以
歎泗水湫流長帶咽歷山遙黛正含嚙劍溪雲
樹漁莊水領略秋光要此身

早發次士龍韻

車輪鳴轆轤鈴鐸響丁東鄉夢殘燈外羈心魔
語中褐衣蒙早霧席帽泛春風偶梗休相笑漂
搖各斷蓬

再次

呆愚浴殿北鈴索液池東莫道天方醉還期日
再中看桃宜令節嫁杏與春風歎息年芳逝飄
蕭兩鬢蓬

四月十一日登岱五十韻

清晨上泰山下山未昏黑登覽興已賒驅車一
何疾我行渡泗水望岳心悚栗原野相却迎丘

陵莽奔逸胡然類削成未見表律岑停車迴馬
嶺凝望似堂密密山勢自迴伏羣山各離立傲俛
矗數峯疊浪見沸淖偃蹇欲不朝顧眄疑旌揖
低徊成運眩登頓猶塌塞紆迴凌絕頂頻仰蕩
霄臆天去山不多雲與地爲一衆山斯在下九
點煙屑瑟鉅如牛眠冢細如蟻封埴散如狐綏
綏聚如羊解解弭伏象環衛奔走效羈縻傲俛
雖兀傲沒踝不及膝乃知丈人尊兒孫敢匹敵
登登四十里十八盤乃畢山容濯深秀石狀鬬
詭特洞壑互排陷岡巒競迸逼穿地山根湧撐

天石笋出層峯腰帶雲遠嶂掌蔽日大冶無不
有神工故難詰琢爲研山姿縮放盆池質近松
辨薺峙遙樹紛禾櫛成削衣低昂翩反袖欹仄
玲瓏月斧漏窈窕雲車匿屬連方帖妥颺去忽
剖副濃淡尺寸變向背一瞬失領要苦煩紆追
逋恍迷惑何當信宿留攬采靈異悉坐看下垂
雲布滿兜羅色又看崇朝雨飛練挂千匹煙嵐
扶烘染雲海搜蕩滴籠拙賦家心極命畫史筆
逝將毀車輪豈獨戴臺筮茲游借刻晷身世兩
牽率每笑秉燭忙自歎乞火急是時天大旱山

枯石將泐渴游旣惺忪閔雨彌快悒元君盛香
火盼蟹走郡國金錢佐軍儲羨餘潤私室神道
亦乘除青帝遂失職雀鼠穿帷帳風雨剝韋韞
惜哉陰陽愆致此驕蹇極神心本天咫明禋在
國恤魯童舞傴僂齊偶嘆咥咥天門開談蕩膚
寸雲豈息炲炲蟣蝨臣獨爲蒼生泣

春盡日次士龍韻

淒涼白髮黃塵裏祖道東皇又一巡暈碧裁紅
成故事落花中酒是前因繇來好別長禁客况
復窮途更泥人是我送春春送我把君詩句問

殘春

將抵德州遣問盧德水

十載栖遲汗簡青
飛鴻漸羽故冥冥
抱經有約尋盧閣
書牘何顏問杜亭
窻下草深埋退筆
床頭花盡臥空鉶
披帷想像人斯在
試欸衡門一扣扃

齊河懷古四首

耿濟鎮

耿弇擊張步濟師齊河陽
至今耿鎮水軍聲
沸湯湯歎息千年後
荒城築阜昌

齊河城劉豫所築

晏城

采地遺者誰相國齊晏子千駟不匡君二桃能
殺士激彼梁丘生浮白爲之起

高唐城

綿駒雖不存善歌表遺里君聽齊謳聲抗越清
濟水豈無梁甫吟何人爲側耳

定慧寺

呂公榮公徒鐵衣佐龍興投戈返初服撒手歸
上乘麒麟可卽圖龍像俱傳燈

師起謁

上

於濟南募兵五千餘人所向有功

官都指揮

同知

求樂初辭返僧服與榮公相繼

呂公名智壽初住定慧寺靖難